

C. 10


11/11/11

11/11/11

11/11/11

11/11/11

11/11/11



L. 21472

ARREST
DE LA COUR
DE PARLEMENT
DE TOLOUSE,

CONTRE LE DVC DE
*Rohan, en execution des Lettres
Patentes de Declaration
du Roy.*



A L R O N,

Chez CLAUDE LARJOT, Imprimeur &
Libraire ordinaire du Roy.

M. DC. XXVIII.

Avec permission & priuilege.

X

A R R E S T

Case
D E L A C O U R

T H I R D E N T

39179 30

1628 fpt




1628 fpt

1628 fpt

1628 fpt

1628 fpt



ENTRE LE PROCUREUR

General du Roy, demandeur en cas
d'excez & crime de lèze Majesté
& requérant l'utilité de certains ad-
iournemens & défauts à trois briefs
iours luy estre adugez d'une part ad

Et Henry Duc de Rohan, prevenu, assis
igné ausdits trois briefs iours, & de
faillant d'autre part, pour les

VE le procez, charges, &
informations, résomptions
d'icelles, Lettres Patentes
de la Majesté données au Camp d'E-
stre le quatorziesme Octobre dernier,
Arrest de la Cour donné sur l'enregi-
strement d'icelles, les exploits desdits
adiournemens à trois briefs iours,

defauts iudiciellement octroyez sur iceux le dix-huictiesme du present mois , & autres productions dudit Procureur General , avec son dire & conclusions sur ce prinſes.

Il ſera dict , Que la Cour a declaré & declare leſdits defauts auoir eſté bien & deuëment pourſuiuis & obtenus , & ledit Duc de Rohan vray contumax & deſaillant , & comme tel, qu'il eſt atteint & conuaincu , & pour les frequentes recidiues d'infraction des Edicts de Paix, l'a declaré & declare ladite Cour criminel de leze Maieſté , perturbateur du repos public, ennemy du Roy & de ſon Eſtat, pour les continuelles trahiſons, monopoles, conſpirations , & conjurations par luy commiſes contre iceluy ; auoir ſouſtrait les villes & ſubjects du Roy de la fidelité & obeifſance

lance qu'ils doiuent à sadite Majesté
 par menées & pratiques, assemblées
 illicites, establissement de Conseils,
 faussetez, suppositions de Deputez
 de villes, Prouinces, & de lettres, ma-
 nifestes publiés, & autres voyes obli-
 ques, vsurpé superioritez sur aucu-
 nes villes, tyranniquement y auoir
 fait leuées de deniers, & commis plu-
 sieurs violences, mesmes en temps de
 paix contre les Officiers de Iustice
 forcé les prisons pour en tirer les ju-
 sticiables, commis rebellions contre
 l'execution de plusieurs Arrests de la
 Chambre de l'Edict de Languedoc,
 deliuré cōmissions pour battre mon-
 noye auoir fait negociations & eu in-
 telligences contre le repos de l'Estat,
 tant dedans que dehors le Royaume;
 suscité diuers armemens & sousleue-
 mēs d'armes, tant par lesdits subjects

du Roy que estrangers; auoir fait ar-
memens publics, tenu les campagnes,
surprins places & chasteaux; forcé
par menées secrettes les subjects du
Roy d'aucunes villes à prendre les ar-
mes contre leurs volontés, & delibe-
rations prises en conseil de leurs vil-
les, & assurances par eux données à
sa Majesté de leur fidelité s'estre ren-
du chef desdites armes sous le nom
supposé des Eglises pretendues refor-
mées, par conjuration avec les An-
glois qu'il a suscitez pour venir par
mer s'efforcer de s'emparer de l'Isle
de Ré, de la ville de la Rochelle, &
d'autres ports & ha-vres de France;
tenu la campagne en corps d'armées,
mené le canon, fait petarder places,
& avec ses troupes commis plusieurs
voleries meurtres, sacrileges, incen-
dices sur les subjects du Roy, surpri-
ses

ses de places, & fait tous autres excez
 & oppressions sur ses peuples, & dans
 son Estat. Pour reparation & puni-
 tion desquels excez, ladite Cour l'a
 déclaré descheu des titres de Duc &
 Pair de France; ensemble du benefice
 des abolitions à luy accordées par sa
 Majesté par les precedens Edicts; L'a
 condamné & condamne, où il pour-
 roit estre apprehendé, d'estre deliuré
 és mains de l'executeur de la haute
 Iustice; lequel le trainant sur vne
 claye, ensemble ses armoiries, luy fe-
 ra faire le cours accoustumé par les
 ruës & carrefours de la presente ville
 de Tolose; & au-deuant la porte prin-
 cipale de l'Eglise Metropolitaine de
 Saint Estienne, en chemise, teste &
 pieds nuds, la hart au col, tenant vne
 torche de cire ardante en ses mains;
 luy fera demander pardon à Dieu, au

Roy , & à la Iustice desdits crimes, meffaits , intelligences menées auec les Anglois , & autres Princes estrangers, & soufleuemens des subjects du Roy, & qu'il s'en repent. Et cefaiët le conduira & trainera sur ladite claye iusques en la place publique du Salin, où estant, sur vn eschaffaut, qui à cët effect sera dressé , sera tiré à quatre cheuaux , iusques à ce que son corps en soit desmembré: Et apres sera sondict corps & membres, & sesdites armoiries bruslées & reduictes en cendres dans vn buscher qui à ces fins sera allumé, & puis lesdictes cendres iettées au vent. Et ladiëte Cour a ordonné & ordonne qu'il sera prins & saisi au corps, mort ou vif, en quelque part du Royaume qu'il pourra estre trouué. Eujoignāt à tous Seneschaux, Gouverneurs des Villes & Places, Gentils

Gentils-hommes, Communautéz, & autres subjects du Roy, s'assembler à cét effect à son de tocsain, & y prester main forte, à peine de rebellion, & d'estre punis comme fauteurs & complices de mesmes excez. Faisant inhibitions & defences à toutes Villes, Officiers, Consuls & Communautés, Gentils-hommes & autres le receuoir & luy donner couuert dans leursdites Villes, Maisons & Chasteaux; sous les mesmes peines, & de razement d'icelles Villes, Maisons & Chasteaux. Et attendu sa fuitte & contumace; A ordonné & ordonne que le present Arrest sera contre luy executé en figure, & que de ladite execution sera attaché vn tableau, & pourtraict à vne potence qui à cest effect sera dressée en ladite place du Salin. A déclaré & declare ladite

Cour les enfans descendans & posterité dudit de Rohan descheus de la qualité & droits de Noblesse, la terre & Seigneurie de Rohan à iamais priuée du nom titre & dignité de Duché & Pairie, & tant icelle que tous & chacuns les autres biens par luy tenus immédiatement de la Couronne reünis à son Domaine, comme aussi toutes les autres terres, fiefs & biens par luy tenus & possédés, acquis & confisqués au Roy, ensemble toutes les charges, estats & dignités desquelles sadite Majesté l'auoit cydeuant honoré. Et neantmoins seront toutes seldites maisons fortes razées, & les bois de haute fustaye desgradés & abatus iusques à la hauteur de trois pieds. De tous lesquels biens, & des plus clairs deniers d'iceux, sera distraite la somme de cent cinquante mille

mille liures, que la Cour a adiugé & adiuge au profit des Communautés ou des particuliers & de leurs héritiers & successeurs qui se seront saisis de sa personne, mort ou vif, soient lesdits particuliers regnicoles, étrangers ou domestiques dudit de Rohan. Et affin que le payement actuel soit assuré de ladicte recompence, ordonne ladite Cour sous le bon plaisir du Roy, que pareille somme sera prise par aduance sur les plus clairs & liquides deniers du Domaine, & Finances de ladicte Majesté, & autres fermes du Roy de l'estendue du ressort: Et à cest effect sera pourueu par Commissaires, qui seront deputés dès à present de soixante & quinze mille liures en deniers contens entre les mains de deux Bourgeois de la presente Ville de Tolose, qui feront les

submissions au Greffe de ladite Cour de deliurer & fournir icelle somme au desir du present Arrest, & outre si lesdites Communautez ont participé à ladite rebellion & autres crimes susdits, & que lesdits particuliers aient cōmis autres crimes quels qu'ils soient, ils en demeureront quittes, deschargés absous, & feront leursdits crimes entierement estains & abolis; Et en outre lesdites Communautés franches, quittes & exemptes de toutes tailles, charges, subsides & autres impositions à perpetuité, sous le bon plaisir du Roy. Enjoinct ladite Cour à tous Officiers du ressort faire lire & publier le present Arrest en leurs Sieges, Seneschauffées & Iudicatures Royales du ressort en pleine audience, à peine de priuation de leurs Offices, & de certifier la Cour
du

du deuoir qu'il y auront apporté dans quinzaine. Ordonne qu'il sera exécuté sur les biens dudit de Rohan qui sont assis dans le ressort de ladite Cour, & enuoyé au Roy, afin que par sa Majesté soit pourueu à pareille execution actuelle en toutes les parties de son Royaume & estenduë du ressort des autres Parlemens la part où lesdits biens se trouueront scitués & assis. Et neantmoins iceluy mis es mains de Messire HENRY DE BOVRBON Prince de Condé, General des armées du Roy, pour y apporter la main forte, & l'autorité des armes de sadite Majesté. Donnée en Parlement Chambres assemblées le 29. Ianuier 1628.

Signé DV BOVRG.

CONSENTEMENT.

IEn'empesche pour le Roy, l'Impression
du susdit Arrest. Faict ce dix-septiesme
Feurier 1628.

BOLLIOVD.

Aduocat du Roy.

P E R M I S S I O N.

Permission d'Imprimer ledict Arrest,
auec deffences en tel cas requises. Faict
ce dix-septiesme Feurier 1628.

AVSTREIN.

Lieutenant Particulier.

